

# TRUTH CENTERED TRANSFORMATION

Olusomo 1



## ENADHULA KU BUGHEELEZA BWONABWONA EKITABO KYABEEZI

# Eisomo 2: Okutondebwa mu Mboneka Yakatonda

Soma Amainhama 1:26-27

- Abantu bawuukana batya kubitonde ebindi? Katonda yakozesaki nga okyokuboneraku nga'tonda omuntu?
- Neyiisa ki ediri mubantu nga ni Katonda adirina? Muzuule ningi nga bwekisoboka.





Soma Zabbuli 139:13-16

- Oluniriri luno lutukobaaki kumigaso gyo'muntu?
- Olowooza oluniriri luno lugema kubantu bandawulo oba ku bantu bonabona?







## Okubaganya Ebirowoozo Mukikunsu Ekitono:

- Bantu ki bobona abanomebwa?
- Ngeriki dhetuyinza okola okulaga abantu nti bamuganho inho eri Katonda?

# Eisomo 4:Luka 2:52Ekipande

Omulamwa	Engri Yesu Deyakulamu			
Okukula	Mumagezi	Mumubiri	Mumwoyo	Mukwenigiramu mu Byobuntu
 <b>Ighe</b>				
 <b>Abomumaka</b>				
 <b>Ekanisa</b>				
 <b>Ekyaal</b>				

# Eisomo 5: Engeri Yokuyamba Ekipande

Embeera	Engeri Yokuyamba Abantu
<b>Bayala</b> 	
<b>Abalumwa Endhiwo</b> 	
<b>Abali Amadhu</b> 	
<b>Abazira Ghasula</b> 	
<b>Abalwaire</b> 	
<b>Abasibe Mwitudha</b> 	

## Eisomo 6: Omusumba Wong

Ghaligho lulala omusumba ghe'kanisa eyali entono, nga bawafu, mundegoyego dekibuga ekinene. Amainha ge ni Wong, nga yali yakasengukira kukyaalo kino kubanga yawulira Katonda nga'mutuma. Ekanisa yali ntono—nga yabantu 40. Abasinga baali bakyaala na'bana. Wong yalina emirimu ebiri. Yakola nga bwekisoboka akusumba ekisibo kye ekitono, era nga akola naghandhi okusobola okugabirira mukaziwe nabana ababiri abaato.

Lwali olwo, ngabweyali enkolaye, yagolokoka ngebulayo esaawa ndhala bukye afuneyo akaireke yenka nikatonda. Yagolokoka yayambala yabikula kateni mpola eyali eyawula ghagati we'idhiro nimukaziwe nabaana webali batendwike. Yakoleza akatadhoba. Yatandika okusoma baibuli. Kunkyo elyo, yali alikusoma mukitaabo kya Isaia 58 nga alikuwulira okulira kwakatonda eri okusinza kwayenda:

Kuno tino'kusiba nze kwe nhenda: okusibula endhegere n'ebikoligo ebisibirire abantu mukutuntuzibwa Abasibe abatuntuzibwa mubalekule baje nga baidembe? Abo abali endhala mubaghenga ku mere yaimwe, Nabaavu abazira maka mubaigizenga mu maka gaimwe abo ababita amadu mubaghenga ebyokuvaala era mutalobanga kuyamba bantu babaliku luganda?

Wong nga tasobola kweyongerayo, omutima gwe gwalwanagana nebirowozo bye. Katonda ghabanga afayo inho eri abaavu, lwaaki Wong yeyagana nga ali ghagati mubwavu buti era nokubonabona okumenha omutima gwe? Yali aidhi abantu bekitundhu kye bwebali bataghanamu okwebesagho. Mubutufu ngabatulugunizibwa. Wong mwene tiyalina kyakulya kimumala nabomumakaage era nga nolundi alemererwa okubagulira eidhagala lwebetaaga. Yaloghoza, "Katonda aligha? Ekyawandikibwakino kitukirira kitya wano ku kyaalo kyaife?"

Bweyali nga akalwanagana nebilowoozo, ghabawo okukonkona kulwigi. "Ayinza kuba ani oyo kunkyokuno?" Wong yalowooza. Yaja kulwiji. "Ani oyo?" Eiloboozi lyailamu kuluya "Wong Nze Yesu, Wong." "Ani?" Wong yabuza. "Wong, Nze Yesu," eiloboozi lyailamu. "Amazima geene niwe ani?" Wong yabuza. Eiloboozi lyailamu, "Wong, Nze Yesu, ndidye kubanga mpulire okulira kyomutima gwo. Nenda ondage ekikutawania."

Eiloboozi lwawulikika nga lya'mazima. Wong nobwegendereza yaigulagho. Akanzimyezimye kaali kakaliku era Wong yali abona bwakisikirize ayenga kifanana nomuntu gwayali alowooza okuba Yesu. "Kalibu Mukamawange," Wong yakoba. "Mbe, Wong, nendha ombiseku mukyaalo ondage ki ekimenye omutima gwo." Nga akewunia, Wong yaikiriza, okulabula, "Tulibakutambula nga twegendereza kubanga amaadhi gabaile gagwa, ebissubi binji ate tuzira migwaana jimala kukyaalo."

Bwebali nga batambula kungudo dekyalo, Wong nga akobera Yesu ebigema ku mayumba gebabitaku. Mumaaka ago galimu omukazi omukaile eyetundha okusobola okulisa abaana be. Mukasisila akailaku mwalimu omusadha nga mutamivu era nga akuba mukaziwe nabaana buli kaseera lweyatamiranga. Agho ghaligho amaka gomukulembeze ghekyalo, nga alya enguzi, era nga atoola kubantu sente nga abasubiza amasanalaze age'kyalo—yadinywamu nokudizanamumu zaala.

Babita mukyerelezi ekiri ghagati ghekyaaloo. Ghano ghalina ku ekyaalo ghekikunganira, aye kyaiduzibwa kasasiro awuuna ekivundhu ne'mpube. "Obona enumba eyo?" Wong yabuza nga asonka kukasisira akali kumbali wakasozi. "Omukyaala na'baana bana basulagho. Eibaati - litoona inho. Ere baavu inho. Babula nekyokulia oba ekyokwambala ate balwalalwala." Mukaseera ako baali batuuse kuntiko yakasozi ekyaalo kwekyazimbibwa. Wong yasonga eghala. "Ere ghansi—omukyala na'bana gyebaja amaadhi. Tuzira maadhi kukyaalo."

Wong yatandhika okukyuka aye yawulira okulira mumpolampola. Yalinga eiloboozi gyeriva. Nga ni Yesu—Yesu nga alikulira! Wong yabona nga ekintu ekimukutwiire omutima kikutwiire nomutima gwa Yesu. Wong yatandika okwogera, aye Yesu yasitula omukono gwe yagema ku Wong yamunweegera, yamulingirira yamukoba ati, "Wong, nendha nkulage kyenendeza ekyaalo kino."

Amangu ago, Wong yesanga nga alingirire ghansi ku kyaalo. Yesu yatandika okwogera era Wong nga abona buli Yesu Kyamukoba—byali bibaawo! Yesu yayogera kubantu bomukanisa ya Wong mu bwaavu bwebalimu, bagabaana na'baavu abazira kumirirwano. Buli lunaku batereka akachere akatono ba'kata mu mukeebe. Kunkomerero ya sabiti, buli omu aba nekikeebe ekiduvu kyaaleta ku kanisa okugabana mulina Iya Yesu na'bekyaalo abalina ekitono. Bagabana ni saabuni. Abakyaala bekanisa bakyalira banamwandu kukyaalo era babaigiza babayamba okwooza, okufumba, nokulabirira abaana baibwe nga balwaire.

Yesu yayogera kubwemirimo, era Wong nga abona nga abantu balina emirimo. Tikooba nti disasula inho, aye emirimo egiwesa ekitibwa era edisobola okubesawo omuntu nebyetaago. Yesu yayogera kunzimba era Wong yabona obusisira obwingiza empewo namaadhi obwafuribwa amayumba. Agatali matiribonha aye amayumba agaali amayondho era amalungi. Yesu yayogera kumaadhi era amangu irala ghabonekawo obutaapu muifo ebyenkizo abakyaala na'baana ghebasena amaadhi amayondho. Yesu yayogera kubuyobuyondo era wongo yaboona nga ghaligho emigwanho tibuli kunhumba aye ejimala buliyomu gyasobola okozesa. Omubungo gwebikaka (Kasasiro) Ghagati ghe kyaalo yavaagho. Ghailagho emiti emito era nga ghaligho abana abali baseka nga ghebazaana omupiira. Yesu era yayogera kubulamu obwakyusibwa era wongo yabona nga omukazi eyali yetunda yatandika okughanirira abaana be nomulimu ogwekitibwa. Omusadha eyali omutamivu yatandika okuba baba era omwami agonza mukyaala ghe. Omukulembeze oghekyaaloo yeena yatandika okuyamba ekyaalo nga tasyonona sente.

Awo Yesu yakoba, "Wong lingirira ekanisa!" Wong yalingayo. Yali ndiduvu. Mwalimu abasadha! Abantu baali basanufu nga batendereza Katonda olwobulungi bwe. Wong ngali kubulira, nokusomesa, nokulembera abantu be mu mwoyo ni mubikolwa ebyokugonza mubugonvu. Yesu yainonola, "Wong, kino kyenendeza ekyaalo kyo. Nenda ogabane okwolesebwa kuno era otandike okulembera abantu okukitukiriza."

Wong yatandika okwewozaku, "Aye Mukama wange, nga tuli baavu!" "Wong," Yesu yabuza mukasirise, "Ani eyakulembera abaana abaisiraeli okusomoka omwiiga omumwufu? Ani eyakubwamu emigaati nebyenanda era yalisa abasadha 5000, abakazi na'baana? Ani eyagaziya amafuta nobuse obwanamwandhu wa Zarefasi okuba nga bumumala okulisa abomumaka ge okumala emyaka esatu ejendhala? Ani eyaikaikania enandha eye Galiraya?" "Niwe eyakikola mukamawange," Wong yakoba. Buti Wong, gondera kyenkukobye okukola. Gabana kyolina nighekiba nga kitono. Lalasa ekigendererwa kyange eri abantu bo mu mwoyo ni mumubiri era ndawonia ensi yo!"

Wong yaghulira enkoko nga ekolyoka. Mukaziwe yakolola yekyusa kuluyi olundi olwa kateni. Yali atyaime kumenza, aye nga tadhooba ezimiire. Obwiire byali busansaine. Wong yanonya Yesu nga talimubona. Yewuunia, “Mbaile mukirooto?” “Kubaile kwolesebwa?” Nga takitegeera, aye Wong yakitegeera nti asisinkaine Yesu era nti alina entegeera empyaka eri okufayo kwakatonda eri abaaavu... era nekilubirirwa ekiyaaka mukukulembera abantu okwolesa okugonza kwakatonda mukyaalo kye.

- Bizibuki ebyaganibwa mukyaalo kya Wong? Gabaniamu ebizibu bino mumikuzi gino; embera dhobuntu, ebibonebwaku, ne byeobwongo.
- Kiki ekyali ekirubirirwa kya yesu eri ekyaalo kino? Soma buli kizibu obone Yesu kyeyalaga okuba ekyokwiramamu.
- Yesu yakobaki omusumba Wong akole?

# Eisomo 6: Jose ni Maria Ekyokuboneraku mu Kusoma

Enhumba ya Jose ni Maria eyiire egheilegho; amazima ezira kisigailegho naile. Idho, bo na'baana baibwe basuze nabenganda daibwe. Wabula, mukayumba kano akatono kalimu abantu 10 abasulamu, buti ghazira kifo kyabantu musanvu abandhi. Jose mulimi era yali amaze okulima obulimiro bwe aye ekaliyo emyezi esatu okukungula. Yasasania empiya donadona deyalina okugula ensigo deyasimba munimiro de kyoka byonabyona byeyalinabyo byayirire mumuliro

Byetaago ki ebya maka gano?

Bintu ki ebyaganibwa kukyaalo ebiyinza okweyambisibwa mukuyamba?

- Abantu
- Ebikozesebwa
- Eikunganiro

